

上清明堂玄丹真經

既七

守寸左絳臺青房大神正心字初方右黃關紫
 房大神平靜字法王形如嬰兒亦如其房色
 手執流金火鈴兆欲卧時及存思時先存二大
 神形色相狀乃三呼其名字乃微祝曰紫戶青
 房有二大神手把流鈴身生風雲仗衛真道不
 聽外前使我思感通利靈關出入利貞上登九
 門即見九真太上之尊畢乃思三一明堂左明
 童真君玄陽字少青中明鏡神君名招精字四
 明右明女真官名微陰字少元形如嬰兒垂著
 綠錦衣帶四赤玉鈴口銜赤玉鏡對坐俱向
 外面或相向此明堂之道也

黃衣息祿



若道士恐畏存三神使鳴玉鈴今聲聞太極使
 口吐玉鏡赤光騰耀萬丈存之畢因三呼三君
 名字叩齒九通則千妖伏息萬鬼滅形也
 若道士飢渴存三神呼其名字神乃口吐赤氣
 灌已口乃吸而咽之須臾自飽也

若道士夜行闇不見路存呼三神乃使神口各
 出火光照我前須臾明朗也

若遇凶惡厄難刀兵之虞至存呼三神振玉鈴
 聲滿六合之內凶惡等不復生害也

若求長生及欲遣疾病當王心安卧存呼三君
 三君即向外長跪口吐赤氣使灌已身口中唯
 多咽之赤光繞身都徧變成火因燒身身與火

融合洞然良久盡為煨燼又存四王氣發風散
 之已然後集神開目如此類為之即顏如童女
 乃久視之基成矣

洞房宮左无英公子中黃老君右白元君此飛
 真之道有經在《金華經》中

丹田宮上元真一帝君及二卿三人共居之此
 地真乘雲輿控龍鹿之道也別有經
 流珠宮此太極公卿司命所行之道也三百年

滿用珠帛盟誓乃傳之

前三宮經求神仙為真人之道行於世但骨
 相挺命世上有真名合遭值者

太極帝君有告可與乃與之

玉帝宮三清神母姓廉名銜字荒者著玄黃素
 靈之綬頭七稱朱玉髻冠无極進賢之冠

天庭宮上精真女姓厥名曰字爾類著青寶

神光錦繡霜羅九色之綬頭玉寶飛雲髻冠玄
 黃進賢之冠

極真宮太極帝妃姓玄名虛生字伯无著玄羅

流光五色鳳文之綬頭七寶玄文髻冠无極

進賢之冠

太皇宮太上君后姓遷名含孩字合延生著

七寶飛精玄光雲錦霜羅九色之綬頭九玄

玉精顏雲髻冠玄黃无極三寶玉冠

此四宮經雌真一傳已成仙求真之道也

道高於雄真一也始學者宮中皆空不可

參聞其要素靈有重禁

玄丹宮太一真君姓厥名規英字化玄形如


始生嬰兒坐金牀玉帳之中著紫繡錦衣腰

帶流火之鈴左手把北斗七星右手把北辰之網獨正坐丹玄宮

若道士存思三一畢當存呼上清中黃太一真君求長生久視之事從太一宮寢息飲太一君口中所吐清氣五十過乃咽液五十過畢微祝曰

太一真皇中黃紫君殿諱規英字曰化玄金牀玉帳紫縹錦裙腰帶火鈴斬邪滅對手把星精頂生日真正坐吐氣使我咽吞與我共語同晏玄丹鍊濯七魄和柔三魂神靈奉衛使我飛仙五藏自生還白童顏受書上清司命帝君所願所欲百福唯親單行之一十四年與太一同到七元之網一十八年詣上清受書佩符役使玉童玉女一十八人可每名修之亦可專修此道不必須守三一也

太上太極帝君真符寶章太微天帝君傳受金闕帝君



右太極帝君真符上元六符中元五符下元五符太上召三一守形之法立春春分立夏夏至立秋秋分立冬冬至始日朱書平旦向王服一符以次十六日竟服十六符也後八節一如上法服之悉向王拜拜呪曰
上元一真守固泥丸中元一真安神絳宮下元一真衛我命門三元齊景保命長存招靈致氣坐降自然變形鍊體骨化成仙毛飛羽羅騰翔帝晨
又朱書符盛以錦囊佩於頭上勿履污穢服符五年得與真人相見九年通靈徹視坐在立亡役使六甲天給玉童玉女各一十二人

乘雲駕龍遊宴玉宮守一之法皇天上清金闕帝君真書之首篇高上之三道神仙之津塗衆真之妙訣子能守一一亦守子子能見一一亦見子一須身而立身須一而生念念思之寤寐不釋即長生可望也

上清明堂玄丹真經